



Uunga
Inatsisartunut ilaasortaq
Laura Táunâjik
Siumut

Inuit innarluutillit pillugit §37 naapertorlugu apeqqummut nr 2018-084-mut akissut

Asasara Laura Táunâjik.

Sulisunut inunnut innarluutilinnut tikeraarluni angalanerni ingiaqataasartunut atugassarititaasut pillugit apeqqutinnut qujanaq.

1. Innarluutillit ulloq unnuarlu angerlarsimaffinni najugallit ilaquuttaminnut tikeraassagaangamik ingior-teq (Ledsager) qanoq akissarsiaqartinneqartarpa?

Annertuumik innarluutillit ikiorserneqartarnerat pillugu Namminersorlutik Oqartussat nalunaarutaat nr. 8, 25. juni 2014-imeersumi allassimavoq:

"Inuk ikorfartortaasoq kommunalbestyrelsimit atorfinitsinneqassaaq, taanna inummut ikorfartortimut sulisitsisutut inissisimasuummat.

Imm. 2. Kommunalbestyrelsip sapinngisamik inuit perorsaasutut ilinniarsimasut ikorfartortitut atorfinitsittassavai. Tamanna periarfissaqanngippat, kommunalbestyrelsip inuit suliamik ingerlatsinissaminnut tunngavissalittut nalilernerqartut atorfinitsittassavai.

Imm. 3. Ikorfartortinik akissarsiaqartitsineq Namminersorlutik Oqartussat sulianullu atatillugu kattuffiup ikorfartortit ataasiakkaat ilinniagaqarnermikkut suliaannut atatillugu isumaqatiginninniarsinnaatitaasup akornanni isumaqatigiissut tunngavigalugu pissaaq."

Taamaammat ingiaqataasup akissarsiassaanut tunngatillugu apeqqutaavoq isumaqatigiissut sorleq tunngavigalugu pineqartoq atorfinitsinneqarsimanersoq.

2. Maleruagassat qanoq aaqqissuunneqartpat?

Ingiaqataasumut angallassinermi akissarsisitsinnermut najoqqutassat atugassarititaasullu isumaqatigiissutini atuuttuni taakkunungalugu atasuni piffissamut suliffiusussamut malittarisassat nassaarineqarsinnaapput.

Taamatuttaaq tamakku pillugit najoqqutassat inuit annertuumik innarluutillit ikiorserneqartarnerat pillugu Inatsisartut peqqussutaannut ilitsersuummi nalunaarummilu atuarneqarsinnaapput.

Inersimasunut annertuumik innarluutilinnut tikeraarluni angalanerni ingiaqataasunut maleruagassat makku ilitsersuummi allassimapput:

29-05-2018
Suliap nr. 2018 - 11307
Akt id 7932799
Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iniian@nanoq.gl
www.naalakkersuisut.gl

Ingiaqataasunut ilaqutaanngitsunut akuersissutigineqarsinnaapput,

- *bilitsinut aningaasartuutit*
- *najugaqarnermut aningaasartuutit*
- *ullormusiat, ingiaqataanermut akissarsiassat isumaqatigiissutit naapertorlugit, sulinermilu akissarsiassanik annaasaqarner siutaajunnartut*

Ingiaqataasoq, assersuutigalugu paaqqinnittarfimmi sulisuuppat, ingiaqataanerullu nalaani isumaqatigiissutit naapertorlugit akissarsiaraqpat, taava sulisoq sulinermi akissarsiassanik annaasaqarner siutinik pisinnaassanngilaq.

Ilitsersuummi allassimapputaaq meeqqat inuusuttullu annertuumik innarluutillit akiliunneqarlutik sulinngiffeqarluni angalanissaannut aningaasaliinissamut najoqqutassat kiisalu nammineq akilerlugu sulinngiffeqarnermi angalanissaanut ingiaqateqarnissamut najoqqutassat.

3. Akisussaaffimmik taamak annertutigisumik tigusaqarsimatillutik tillæg annertunerusoq pisannngilaat?

Tapit amerlassusaat isumaqatigiissutit atuuttut naapertorlugit aalajangersarneqartarput, inatsisitiguunngitsoq.

4. Innarluutillit pillugit inatsisissami angallassinikkut aqqissuusseqqinnissat ilanngunneqarnissaat naatsorsuutigineqarsinnaava?

Anguniakkat Naalakkersuisooqatigiinnissamut isumaqatigiissummi allassimasut piviusunngortinniarlugit Naalakkersuisut sulissuteqarput. Tassani takuneqarsinnaavoq:

”Innarluutillit ajunnginnerusumik atungaqassappata pisariaqarpoq angajoqqaat attavigilluarneqartarnissaat. Innarluutillit ilaqtaminnut tikeraartinneqartarnerat aqqissuussaanagerusumik tamanullu naammaginartumik ingerlanneqartariaqarpoq.”

Med venlig hilsen

Inussiarnersumik inuulluaqqusillunga



Anthon Frederiksen